

植物名實圖考

伊藤圭次校閱

小野職慤重修

岡松甕谷句讀

清吳其濬原撰

曰本明治十穴奉  
朱十月刊行奎文堂

植物名實圖攷叙



易曰天地變化草木蕃昭乎剛  
交柔而生根葉柔交剛而生枝  
葉其蔓衍而林立者皆天地至  
仁之亭所隨時而發不擇地而  
形也故先生曰物土之宜務封殖以

宏民用豈徒入藥而已哉衣則  
麻桑食則麥菰苽則蔬采  
材也竹木安身利用之資咸取  
給焉厚天下不可一日無則植物  
較他物為特重其名昭於周禮  
其實載立本經宋王實斯著

其名三百六十品中殆無虛列  
嗣是別錄圖經代有增益綱  
目晚出稱引尤繁顧其書類皆  
旁及五材盡收十劑胎卵淫化  
紛然並陳求其專狀草木成一  
家言如賈思勰之要術周憲

王之救世殊不易得望其後者所  
短而材力不足以速歎抑拘於其業  
固步其方未嘗游觀宇宙之蹟  
品彙之虛而知其切於民生日用  
者至利且便也淪畜先生具希世  
才宦臨乎天下獨有見於茲而思

以食民之瘼所讀四部書苟有  
涉於水陸草木者靡不剗而緝  
之名曰長編然後乃出平生所  
耳治目驗者以印証古今辨其  
色別其性味看詳編定纂繪成  
書此植物名實圖攷所由色字第

有獨出冠時為本草特開生面  
也夫天下名實相副者少矣或名  
同而實異或實異而名同先生於  
是區區者且決然糾誤毫髮不少  
假等而上之有闕於人治之大其綜  
核尚何如耶讀者由此以窺先生之

學之全與政之實將以濟國姓  
民者莫不咸在僅目為安黃之功  
臣則程涉矣若夫聖學本削昆  
蟲仿貞白千室聖方之作為漸  
生請命公尤其發乎至仁而以天  
地之心為心也然則是書之益又可

量哉余不敏嘗侍言為頻渙其用  
言所在故序刻之以廣其傳

道光二十有八年歲次戊申三月清  
明後五日蒙自陸應穀題於太原府  
署之退思齋

重修植物名實圖考卷之一

清國

吳其濬原撰

日本

伊藤圭介 校閱

小野職慤 重修

岡松甕谷 句讀

穀類

胡麻 アマ 附青囊 アマノハ

薏苡 イヌムギ

白綠小豆

白大豆 シロマメ 附直省志書、豉、豆腐、醬 カラナツトウ、トウフ、ヒシホ

小麥 コムギ

附天工開物、直省志書、神麴 クスリカウジ

穞麥 ハダカムギ

秫 モチアハ 無圖

大麻 アサ

赤小豆 アカヅキ 附腐婢 アツキノハナ

大豆 クロマメ

粟 コホハ 附直省志書、穀

大麥 オホムギ

梁 オホアハ

菼豆 ヒラマメ

(以上、天冊)

黍 モチキビ

稷 ウルキビ

稻 イ子 附 ウルチ 粳 コメ 米 ノモヤシ 春 コ 杵 メ 頭 ヌ 細 カ 糠 ス 醋 サケ 酒 ア 飴

鯪

青稞 ナツノチヤヒキ

師草實 コウボウムギ 無圖

黎豆

白豆 無圖

威將軍亞麻子

蜀黍 タウキビ 附蜀黍即稷辨

狼尾草 無圖

湖南稷子

雀麥 カラスムギ

東廬

苧米 エツタムギ 無圖

綠豆

蕎麥 ソバ


蠶豆 ソラマメ

稔頭 タウキビノクロン

(以上、地冊)

(以上、人冊)

麻胡



胡麻 附青蕘

胡麻卽巨勝、本經上品、今脂麻也。昔有黑白二種、今則有黃紫各色、宜高阜沙  
磽、畏澆、油甘用廣、其枯餅亦可糞田養魚、葉曰青蕘、花與稻皆入用、

雩婁農曰、一飯胡麻幾度春、此道人服食耳、非朝饗而夕飧也、東坡服胡麻賦  
序謂、夢道士以茯苓燥、尙襍胡麻食之、且云、世間人聞服脂麻、以致神仙、必大  
笑、然其性實熱、宋人說部有謂、久服巨勝、乃至發狂欲殺人、其烈同於丹石、則  
蘇子之言、亦未可盡信、獨其功用至廣、充腹耐饑、飴餌得之則生香、腥羶得之  
則解穢、以爲油、則性寒去毒、而藥物恃以爲調、其枯美田疇、亦可救荒、說者云  
大宛之種、隨張騫入中國、其語無所承、然宜嘆而畏濕特甚、元人賦云、六月亢  
旱、百稼槁、有物沃然、秀於中田、是爲胡麻、外白中元、又俗言、芝麻有八拗、謂  
雨暘時薄收、大旱方大熟、開花向下、結子向上、炒焦壓榨、才得生油、膏車則滑、  
鑽鍼乃澀、觀此數端、可知其性、

〔長編〕本草經、胡麻味甘平、主傷中虛羸、補五內、益氣力、長肌肉、填髓腦、久服輕身不老、一名巨勝、葉名青蘘、

別錄、無毒、主堅筋骨、療金瘡、止痛、及傷寒、溫瘧、大吐後虛熱、羸困、明耳目、耐飢渴、延年、以作油、微寒、利大腸、胞衣不落、生者摩瘡腫、生禿髮、一名狗蟲、一名方莖、一名鴻藏、生上黨川澤、陶隱居云、八穀之中、惟此爲良淳、黑者名巨勝、巨者大也、是爲大勝、本生大宛、故名胡麻、又莖方名巨勝、莖圓名胡麻、服食家當九蒸九暴、熬搗餌之、斷穀長生、充飢、雖易得、俗中學者、猶不能常服、而况餘藥耶、蒸不熟、令人髮落、其性與茯苓相宜、俗方用之甚少、時以合湯丸爾、

廣雅云、狗蟲、巨勝、藤菰、胡麻也、

抱朴子云、巨勝一名胡麻、餌服之、不老、耐風濕、

唐本草註、此麻以角作八稜者爲巨勝、四稜者名胡麻、都以烏者良、白者劣爾、生嚼塗小兒頭瘡、及浸淫惡瘡、大效、

本草拾遺、花陰乾漬取汁、漉麪、至韌易滑、

圖經、胡麻巨勝也、生上黨川澤、青囊巨勝苗也、生中原川谷、今並處處有之、皆園圃所種、稀復野生、苗梗如麻、而葉圓銳、光澤、嫩時可作蔬、道家多食之、謹按、廣雅云、狗蟲巨勝也、藤茲胡麻也、陶隱居云、其莖方者名巨勝、圓者名胡麻、蘇恭云、其實作角八稜者、名巨勝、六稜四稜者名胡麻、如此、巨勝胡麻爲二物矣、或云、本生胡中、形體類麻、故名胡麻、又八穀之中、最爲大勝、故名巨勝、如此、似一物二名也、然則仙方乃有服食胡麻巨勝二法、功用小別、疑本一物而種有二、如天雄附子之類、故葛稚川亦云、胡麻中、有一葉兩莢者爲巨勝、是也、食其實、當九蒸九暴熬搗之、可以斷穀、又以白蜜合丸、曰靜神丸、服之益肺、潤五藏、壓取油、主天行熱秘腸結、服一合則快利、花陰乾漬汁漉麪、至韌而滑、葉可沐頭、令髮長、一說、今人用胡麻、葉如荏而狹尖、莖方、高四五尺、黃花、生子成房、如胡麻、角而小、嫩葉可食、甚甘滑、利大腸皮、亦可作布、類大麻、色黃而脆、俗亦謂

之黃麻、其實黑色如韭子、而粒細、味苦、如膽、杵末略無膏油、又世人或以爲胡麻乃是今之油麻、以其本出大宛、而謂之胡麻也、皆以烏者良、白者劣、本草註、服胡麻油、須生笮者、其蒸炒作者、止可供食、及然燈爾、不入藥用、又序例謂、細麻即胡麻也、形扁扁爾、其方莖者名巨勝、其說各異、然胡麻、今服食家、最爲要藥、乃爾差誤、豈復得效也、

本草衍義、胡麻、諸家之說、參差不一、止是今脂麻、更無他義、蓋其種出於大宛、故言胡麻、今胡地所出者、皆肥大、其紋鵝、其色紫黑、故如此區別、取油亦多、故詩云、松下飯胡麻、此乃是所食之穀無疑、與白油麻爲一等、如川大黃、川當歸、川升麻、上黨人參、齊州半夏之類、不可與他土者、更爲二物、蓋特以其地之所宜、立名也、是知胡麻、與白油麻爲一物、嘗官於順安軍雄霸州之間、備見之、又二條皆言、無毒、治療大同、今之用白油麻、世不可一日闕也、然亦不至於大寒、宜兩審之、